



Jumat, 24 Desember 2021

Ogen: Lukas 1:39-45



Malem Tuhu-tuhu Atendu



I bas Pustaka Si Badia megati si oge kata malem ate. Si nuduhkan sada situasi kegeluhen, banci jadi labo bagi ukur entah erbahan pusuh ceda, tapi banci ermalem ate sabab Tuhan nampati kita i bas ngalaken si la bagi ukurta. Tuhan mereken gegeh ngalaken kerina persoalenta ras Tuhan erbahansa kita menang naluken perbeben e. Tupung lit teman si mereken gegeh ras penampat man banta i bas ngalaken perbeben e seh kita ndatken kemenagen, em malem ate. Adi tupung sukses bas dahin, seh sekolah anak-anak, mehuli perjabunna, sehat-sehat kita ndalani kegeluhen, e ngenca si kataken ermalem ate, banci saja metahat si akap ermalem ate. Maria ermalem ate tupung la jadi bagi siisurakenna ras si isuraken jelma si enterem. Ia natang tuah ope erjabu, labo kal bage siniarapkenna, dem pusuhna i bas perbeben e maka lawes ia ndahi Elisabet. Ku je atena itungtungkenna pusuhna si lit i bas perbeben. Kenca seh i rumah Elisabet berena salam e maka bengjet ia ku bas. Ialo-alo Elisabet alu dem keriahen janah ikatakenna malem atendu. Maria I abs perbeben si mberat, tapi ikatakenna Elisabet malem atendu. Enda sada situasi si petembil. Maria ngasup ermalem ate erkiteken Tuhan ras ia ngalaken perbebenna si mberat. I bas kurang gegehna, Kesah Si Badia nemani ras nampati.

Bage me i bas wari enda kita ibabai ermlem ate, erkiteken Tuhan Jesus e nggit nusur ku doni enda jadi seri ras kita, nggit IA jadi temanta ndalani kegeluhen amin erbage situasi si man alanken. La IA erpilihan, kerina kita ikelengiNa, ras sura-suraNa kerina kita ngaloken penampatNa. Sura-suraNa sisikapken pusuh ras kulanta jadi inganNa tading, lako ngarak-ngarak kerina kegeluhenta. I bas berngi si badia enda mari si sikapken pusuh ukurta, radu ras keluarganta jadi ingan Tuhan Jesus tubuh. Ia si ngkuasai kita, malemlah ateta.

IKetubuhen Jesus mpeturah kemalemen ate